

/ վարչական տույժ նշանակելու մասին/

«10» մայիսի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով «ԲԻԿԻ» ՍՊԸ-ի տնօրեն Մնացական Գառնիկի Իսպիրյանի (նույն.քարտ՝ 011565629, Գեղարքունիքի մարզ, ք.Գավառ, Ազատության փողոց, 23/13) կողմից «Ներքին սպառման համար բացթողում» մաքսային ընթացակարգով թիվ 05100041/130322/0000317 ապրանքների հայտարարագրով հայտարարագրված ապրանքների վերաբերյալ փաստաթղթերը.

Պ Ա Ր Ձ Ե Ց Ի

«ԲԻԿԻ» ՍՊԸ-ի անվամբ թիվ 05100041/130322/0000317 ապրանքների հայտարարագրով հայտարարագրված ապրանքների համար հաշվարկված ավելացված արժեքի հարկի վճարումը սահմանված ժամկետում չի կատարվել, մասնավորապես՝ 900005010120 հաշվեհամարի փոխարեն վճարումը կատարվել է 900005010146 հաշվեհամարին:

Հայաստանի Հանրապետության պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 15.03.2022 թվականին «ԲԻԿԻ» ՍՊԸ-ի տնօրեն Մնացական Գառնիկի Իսպիրյանի նկատմամբ «Վարչական իրավախախտումների վերաբերյալ» ՀՀ օրենսգրքի 170³ հոդվածի համաձայն հարուցվել է վարչական վարույթ:

«ԲԻԿԻ» ՍՊԸ-ի տնօրեն Մնացական Գառնիկի Իսպիրյանին ուղարկվել է գործի քննության վերաբերյալ ծանուցագիր, որը փոստային ծառայության կողմից հետ է վերադարձվել «տեղափոխված» նշագրմամբ:

Վարչական վարույթի շրջանակներում հարցումներ են կատարվել ՀՀ Ոստիկանության Անձնագրային և վիզաների վարչություն, ինչպես նաև ՀՀ կադաստրի կոմիտե՝ Մնացական Գառնիկի Իսպիրյանի հաշվառման վայրի և նրա անվամբ գրանցված գույքի վերաբերյալ տեղեկատվություն ստանալու նպատակով:

ՀՀ Ոստիկանության Անձնագրային և վիզաների վարչությունից տեղեկատվություն է տրամադրվել առ այն, որ Մնացական Գառնիկի Իսպիրյանը հաշվառված է Գեղարքունիքի մարզ, քաղաք Գավառ, Ազատության փողոց, 2-րդ փակուղի, շենք 4, բն. 30 հասցեում:

ՀՀ կադաստրի կոմիտեից տեղեկատվություն է տրամադրվել առ այն, որ Մնացական Գառնիկի Իսպիրյանի անվամբ գրանցված է Գեղարքունիքի մարզ, քաղաք Գավառ, Ազատության փողոց, 2-րդ փակուղի, շենք 4/30 հասցեում գտնվող բնակարանը:

Գեղարքունիքի մարզ, քաղաք Գավառ, Ազատության փողոց, 2-րդ փակուղի, շենք 4, բն. 30 հասցեով Մնացական Գառնիկի Իսպիրյանին ուղարկվել է գործի քննության վերաբերյալ ծանուցագիր, որը փոստային ծառայության կողմից հետ է վերադարձվել «տեղափոխված» նշագրմամբ:

«ԲԻԿԻ» ՍՊԸ-ի տնօրեն Մնացական Գառնիկի Իսպիրյանը Հայաստանի Հանրապետության ինտերնետով ծանուցման՝ ազդարար.ամ /azdarar.am/ կայքում հրապարակային ծանուցման միջոցով, ինչպես նաև <https://taxpayer3.taxservice.am> /Հարկատու3/ կայքում, որպես «ԲԻԿԻ» ՍՊ ընկերության պաշտոնական ծանուցման հասցե նշված arturkhandanyan@mail.ru էլեկտրոնային փոստին «Վարչական իրավախախտումների վերաբերյալ» ՀՀ օրենսգրքի 170³ հոդվածի համաձայն հարուցված վարույթի և 10.05.2022 թվականին ժամը 10:00-ին նշանակված գործի քննության վերաբերյալ ծանուցագրի միջոցով պատշաճ ծանուցվել, սակայն չի ներկայացել հրավիրված քննությանը:

ՀՀ Հարկային օրենսգրքի 78-րդ հոդվածի 5-րդ մասի համաձայն.

«Բաց թողնում՝ ներքին սպառման համար» մաքսային ընթացակարգով Հայաստանի Հանրապետություն ներմուծվող ապրանքների համար Օրենսգրքով սահմանված կարգով հաշվարկված ԱԱՀ-ի գումարները Հայաստանի Հանրապետության պետական բյուջե են վճարվում մինչև «Բաց թողնում՝ ներքին սպառման համար» մաքսային ընթացակարգով ապրանքների բաց թողնումը (եթե ԵՏՄ միասնական օրենսդրությամբ այլ ժամկետ սահմանված չէ)՝ որպես մաքսային մարմնին վճարվող գումարներ:

«Վարչական իրավախախտումների վերաբերյալ» ՀՀ օրենսգրքի 34-րդ հոդվածի 2-րդ մասի համաձայն.

Վարչական իրավախախտման համար պատասխանատվությունը ծանրացնող հանգամանքներ են համարվում մեկ տարվա ընթացքում կրկին անգամ նման իրավախախտում կատարելը, որի համար անձն արդեն ենթարկվել է վարչական տույժի:

Հարավային մաքսատուն-վարչության պետի ժթպ-ի կողմից Մնացական Գառնիկի Իսպիրյանը 25.04.2022 թվականի թիվ 95 որոշմամբ «Վարչական իրավախախտումների վերաբերյալ» ՀՀ օրենսգրքի 170³ հոդվածով ենթարկվել է վարչական պատասխանատվության:

«Վճարման հանձնարարականով միջոցների փոխանցումների մասին» ՀՀ օրենքի 2-րդ հոդվածի համաձայն.

Վճարման հանձնարարականով միջոցների փոխանցումը (այսուհետ՝ միջոցների փոխանցում) վճարողի կողմից վճարման հանձնարարականի ներկայացմամբ սկսվող՝ դրանում նշված շահառուին նախատեսված գումարը վճարելու նպատակով իրականացվող հաջորդական գործողությունների համակցություն է: Միջոցների փոխանցումը ներառում է վճարողի վճարման հանձնարարականը կատարելու նպատակով վճարողի բանկի կամ միջնորդ բանկի կողմից հաջորդ բանկին ուղարկված վճարման հանձնարարականը: Միջոցների փոխանցումն ավարտվում է շահառուի բանկի կողմից շահառուի օգտին վճարողի վճարման հանձնարարականի ակցեպտավորմամբ:

«Վարչական իրավախախտումների վերաբերյալ» ՀՀ օրենսգրքի 170³ հոդվածի համաձայն՝ հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելն առաջացնում է տուգանքի նշանակում սահմանված նվազագույն աշխատավարձի տասնապատիկից մինչև քսանապատիկի չափով:

Այսպիսով, վարույթի նյութերով հիմնավորվում է, որ «ԲԻԿԻ» ՍՊԸ-ի անվամբ ՀՀ ներմուծված ապրանքները հայտարարագրվել են թիվ 05100041/130322/0000317 ապրանքների հայտարարագրով, որով առաջադրված պետական տուրքի և մաքսատուրքի վճարումները սահմանված ժամկետներում չեն կատարվել, ինչով պայմանավորված «ԲԻԿԻ» ՍՊԸ-ի տնօրեն Մնացական Գառնիկի Իսպիրյանի կողմից թույլ է տրվել «Վարչական իրավախախտումների վերաբերյալ» ՀՀ օրենսգրքի 170³ հոդվածով նախատեսված իրավախախտում: Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. Մնացական Գառնիկի Իսպիրյանին «Վարչական իրավախախտումների վերաբերյալ» ՀՀ օրենսգրքի 170³ հոդվածով սահմանված իրավախախտում կատարելու համար ենթարկել վարչական պատասխանատվության՝ տուգանել **20000 ՀՀ դրամի** չափով:

2. Որոշման մասին հայտնել Մնացական Գառնիկի Իսպիրյանին:

3. Որոշումն ուժի մեջ է մտնում որոշման կայացման մասին իրազեկելու հաջորդ օրը, կարող է բողոքարկվել վարչական և դատական կարգով, ուժի մեջ մտնելուց հետո երկամսյա ժամկետում:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Հարկադիր կատարումն ապահովող ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է. **900005024055՝ 20000 ՀՀ դրամ, նշել 30 կողո:**

ՀԱՐԱՎԱՅԻՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ ԺԹՊ



ԱՐՏԱՇԵՍ ՂԱՄԲԱՐՅԱՆ